

RESOLUCIÓN SOBRE A ASIGNACIÓN POLA LISTAXE DE AGARDA DUNHA PRAZA DE AXUDANTE DOUTOR/A CORRESPONDENTE AO CURSO ACADÉMICO 2021/2022

ANTECEDENTES

A Resolución do vicerreitor de Profesorado e Planificación Docente do 27/07/2021, pola que se aprobou a prelación definitiva de solicitudes admitidas e excluídas da Convocatoria para a selección de áreas de coñecemento de cara á convocatoria de prazas de axudante doutor/a no curso académico 2021/2022 co fin de consolidar o emprego temporal, asignou o posto 6 á Área de coñecemento de Didáctica e Organización Escolar, Departamento de Psicoloxía, para posibilitar a consolidación de emprego temporal dunha profesora contratada interina de substitución a tempo parcial.

O día 27 de agosto de 2021 a persoa destinataria desta consolidación de emprego renuncia á súa vinculación coa Universidade da Coruña, con data de efectos do 31 de agosto de 2021.

CONSIDERACIÓNS LEGAIS E TÉCNICAS

A Convocatoria para a selección de áreas de coñecemento de cara á convocatoria de prazas de axudante doutor/a no curso académico 2021/2022 co fin de consolidar o emprego temporal, aprobada por Acordo do Consello de Goberno do 28 de marzo de 2021 e publicada por Resolución do 11 de xuño de 2021, na sede electrónica do 15/06/2021, establece unha listaxe de agarda en previsión da posibilidade de renuncia, recollida no punto 2 do anexo da mencionada Resolución do vicerreitor de Profesorado e Planificación Docente do 27/07/2021.

De acordo con todo o indicado, RESOLVO:

Asignar a praza vacante á seguinte área de coñecemento seguindo a orde de prelación definitiva ao primeiro posto da listaxe de agarda que corresponde á Área de Coñecemento de Zooloxía, Departamento de Bioloxía, para posibilitar a consolidación de emprego temporal dunha profesora contratada interina de substitución a tempo completo.

Contra a presente resolución, de conformidade co disposto nos artigos 121 e 122 da Lei 39/2015, de 1 de outubro, do Procedemento Administrativo Común das Administracións Públicas, poderán os/as interesados/as interpoñer recurso de alzada ante o reitor da Universidade da Coruña, no prazo dun mes, contado desde o día seguinte ao da súa publicación na Sede Electrónica da Universidade da Coruña.

O vicerreitor de Profesorado e Planificación Docente
Alberto Valderruten Vidal

Código Seguro De Verificación	DkkViaBmnwT/nLWy1/L4DQ==	Estado	Data e hora
Asinado Por	Vicerr. de Profesorado e Planificación Docente - Alberto Valderruten Vidal	Asinado	13/09/2021 13:12:56
Observacións		Páxina	1/1
Url De Verificación	https://sede.udc.gal/services/validation/DkkViaBmnwT/nLWy1/L4DQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		

